


B
265
2

逍遙文庫
文庫 6
1723
2



文庫6
1723
2

本朝蒙求標題卷之中

一	應神肉高	二	猿田鼻長	三	常則團雪
四	道風書廂	五	兼直誦後	六	為憲入囊
七	盛遠斬婦	八	範清蹴娘	九	花山動星
十	秀德名年	十一	清彦袍刀	十二	蛭兒葦船
十三	清紫才女	十四	山梯歌仙	十五	博雅三曲
十六	青砥十錢	十七	道鏡赤眼	十八	清寧白髮
十九	持統賜稻	二十	元正把笏	廿一	忠光魚鱗
廿二	山背馬骨	廿三	竹澤穴舟	廿四	顯基慕月
廿五	范藤自合	廿六	裴管奇遇	廿七	譽津問鵠
廿八	延喜爵鷺	廿九	康賴流歌	三十	滋藤吟句
卅一	明子擇侍	卅二	貞子無妬	卅三	美材墨妙

廿七	貞觀蔬膳	廿八	開別木丸	廿九	源融乘輦
廿六	清行封事	廿七	內丸紫服	廿八	鎌子錦冠
廿五	貞敏音樂	廿六	高子寶器	廿七	親元陰德
廿四	時尚金侍	廿五	大友初詩	廿六	直幹得意
廿三	白河北面	廿四	醍醐藥署	廿五	嵯峩花宴
廿二	兒屋占卜	廿三	文武釋奠	廿四	常磐中臣
廿一	肖柏三愛	廿二	祐成報讎	廿三	為賴成內
廿	源順博識	廿一	惟康倒載	廿二	政顯二耻
十九	秀鄉射蚣	廿	振根本刀	廿一	石雄革鎧
十八	式部紀局	十九	倭姬齋宮	廿	佐國化蝶
十七	巨勢畫工	十八	河勝舞曲	十九	小松燈籠

七十	藤房棄官	七十一	顯宗曲水	七十二	桓武平安
六十九	力雄引手	七十	正行療疵	七十一	兼平含办
六十八	義經拜旗	六十九	豐王化龍	七十	浦嶋得龜
六十七	經信多藝	六十八	文時老詩	六十九	照宜拜孔
六十六	菅相愛温	六十七	公經聚石	六十八	秋津吟門
六十五	豐鋏直心	六十六	小督正言	六十七	意美賜大
六十四	仲太感恩	六十五	安仲留唐	六十六	和清竄隅
六十三	敦光文篋	六十四	男依赤符	六十五	通憲埋土
六十二	高國隱壺	六十三	鳥村化蟹	六十四	清盛得鱸
六十一	已貴訪兒	六十二	瓊杵代親	六十三	輪子達經
六十	佐用振巾	六十一	賴之輔佐	六十二	良相慈仁
五十九	仁山祈聖	六十	兼俱亂神	六十一	小角騰空

大月
卷之六
票頁

夏進雄政雲 百七 保胤殷聲 百八 有章逸群
夏弘仁乏肉 百十 天長軟筋 百十一 守屋燒佛
夏馬子弒君 百十二 狹智作盾 百十三 鹽土投擲
夏履中賞櫻 百十四 諸兄獻橘 百十五 吉備軍削
夏匡房兵術 百十六 忠常人穴 百十七 義仲朝日
夏淡海律令 百十八 冬嗣格式 百十九 王子口眼
夏開耶國色 百二十 淳茂神妙 百二十一 義秀勇力
夏賀安天文 百二十二 吳漢機織 百二十三 季仲黑帥
夏公房白相 百二十四 玉田隱墓 百二十五 土師主葬
夏貞時巡行 百二十六 為基雄壯 百二十七 義村爭先
夏基久恨上

本朝蒙求標題卷之中終

本朝蒙求卷之中

雒陽

仲徹管亭

編輯

元樸過質

校訂

一 應神肉高

二 依田鼻長

應神天皇諱譽田仲哀天皇第四子也母曰氣長足
姬尊神功皇立為皇后討新羅之年冬十二月某日
生天皇於紫紫之蚊田幼而聰達玄監深遠動容進
止聖表有異焉焉天皇產而肉高生腕上其形如靴
故稱其名謂譽田天皇上古時號靴皇后崩天皇即
位四十年春二月戊申崩于明宮年一百一十歲
瓊瓊杵尊且降之間先驅者還白有一神居天八達
之衢其鼻長七咫背長七尺餘當言七尋且口尻明

耀眼如八咫鏡而超然似赤酸醬也即遣從神往問
時有八十萬神皆不得目勝相問故特勅天鈿女曰
汝是目勝於人者宜往問之天鈿女乃露其胸乳抑
裳帶於臍下而笑嚙向左時衢神問曰汝爲之何故
耶鈿女對曰天照神之子所幸道路有如此屈之者
誰也衢神對曰聞天照大神之子今當降行故奉迎
相待吾名是猿田彦大神也遂先啓行路云

三常則團雪

四道風書廂

常則姓飛鳥部天曆中村上以丹青之工擅名于世
官授金吾錄事掌值大雪常則取雪團之以獻之命
曰蓬萊山
道風姓小埜諫議大夫岑守孫築府都督葛絃子也

延長七年醍醐帝召道風於鳳闕摘漢君臣有賢德
之名者令書其姓名於廂中蓋以其精于臨池之業
也村上帝康保三年卒歲七十一官位至通議大夫
將作大匠

五兼直誦校

六爲憲入囊

卜部兼直者兼貞之孫而大副侍從兼茂之子也高
倉帝時含勅命詣大神宮途中遇迅雨恐不能早拜
神殿即誦中臣後神孫降臨章日午天忽晴矣官至
大副侍從

源爲憲光孝帝之玄孫也帝有四子其一子光恆生
衆望衆望生忠幹忠幹生爲憲爲文章生廣識博聞
每有文會携一囊以赴焉偶有可喜之句則入其頭

囊中而吟哦良久於他人之詩亦然至正五位下但州刺史又任遠州刺史

七 盛遠斬婦

八 範清蹴娘 範一作憲

遠藤盛遠者新衛校尉持遠子也持遠嘗為瀧口之士盛遠以父業繼而備宮掖衛曹姨母有娘名阿登麻手貌姝麗嫁尤金吾校尉源渡盛遠視而悅之寸腸千結不能自割密戲其婦婦拒而弗從盛遠怒而迫之婦曰君今不以醜陋見鄙特聖厚情感佩實深妾焉敢固拒但妾既託身於人恐不能終始其如後患何若不得止則願殺我夫而後受命永締雙翼之契以終素望不亦可乎曰噓之曰夜來室中偃臥者是也慎勿誤焉盛遠大悅約計至於夜闌懷刃入室

直趨臥內乃斬其首纒袖而去及歸而見之則婦首也盛遠驚駭惋歎不堪悵悵遂拋冠纓為僧高維文覺者是也

佐藤武衛範清其父曰金吾校尉康清藤秀鄉七世胤也其先寓居於佐渡國故以佐藤為氏焉世以武勇聞焉鳥羽上皇徵為其院北面士而備官掖衛兵曹崇德帝保延三年八月俄棄其妻孥追俗一說于女子容質妍絕範清見而悅之然或作範清憲清有娘最不得遂其款曲於是竟為僧云幼見父棄家別去歔歔涕泣擊板衣裳留之範清恐而蹴之墜諸牀下掃衣而去雜髮為浮圖自名圓位後改西行大抵州縣勝區無不經過預願以二月十五日為死期至即日果然而卒

九花山動星

十孝德各年

花山帝者冷泉帝之長子也母曰藤原懷子永觀二年十月踐祚于時年十七寬和二年帝一旦有出塵之志六月二十二日夜排貞觀殿之王闥潛出官門其扈從者沙門嚴久侍中藤道兼唯二人耳路過安史晴明宅明適避暑散步庭中忽仰面大驚曰天文呈變天子避位之象也便入省中奏事帝不在焉妃嬪媵嬙亦不得知也百官駭騷尋之不得矣帝即剃髮如花山為僧改名入覺時年十九人皆惜其叡筭尚壯而棄寶位初帝亡弘徽殿妃自此厭世相故脫躋寶位偏修佛教王畿靈區多遊歷寬弘五年二月八日崩壽四十一

孝德帝者皇極帝之同母弟也為人柔仁好儒且愛佛氏不擇貴賤頻降恩勅惠賜之多受皇極帝禪登祚初各年曰大化元年及六年穴戶國司草壁連醜經獻白雉於是改元曰白雉白雉五年冬十月壬子崩于正寢蓋本朝年號之始也

十二清彥袍刀

十三蛭兒葦船

垂仁天皇詔群卿曰朕聞新羅王子天日槍初來之時將來寶物今在但馬元為國人見貴則為神寶也朕欲見其寶即日遣使者詔天日槍之曾孫清彥而令獻焉於是清彥被勅乃自捧神寶而獻之唯有小刀一名曰出石清彥忽以為不獻刀子仍匿袍中而自佩之天皇未知匿刀之情欲寵清彥而召之賜酒

於御所時刀子從袍中出而顯天皇見之親問清彦
日爾袍中刀子者何刀子也清彦不得匿之而呈言
所獻神寶之類也乃出而獻焉遂藏諸神府然後開
寶府而視之小刀自失矣令問清彦日爾所獻刀子
忽失矣若至汝所乎清彦答日昨夕刀子自然至於
臣家天皇便惶之且更勿覓是後出石刀子自然至
于淡路嶋其嶋人謂神而為刀子立祠於今祀之云
井諾井册二神將巡天柱約束日妹自左巡吾當右
巡既而分巡相遇陰神乃先唱日妍哉可愛少男歟
陽神後和之日日妍哉可愛少女歟遂為夫婦先生蛭
兒便載葦船而流之

十三清紫才女

十四山梯歌仙

清以納言者清原肥後刺史朝請大夫元輔之女也
元輔父日泰光泰光父日深養父舍人親主之孽孫
也以倭歌世其家清女天資俊爽才名稱於朝一條
帝時官仕于上東皇后帝嘗臨御紫閣時偶朝雪大
積帝顧群卿日香爐峯雪如何也諸卿皆不能答清
女侍傍立而捲揚御簾上大感悅之蓋思白居易香
爐峰雪撥簾看之句也其才之敏速如展是時清女
春秋猶富之時也

紫式部父堤中納言為時閑院左府各嗣之裔也母
名堅子常陸介為信女也式部嘗為一條左府源雅
信公娘從一位倫子之官女雅信者宇多帝孫號鷹
司殿敦實皇子之倫子嫁于道長式部從之倫子生上東皇后萬壽帝
之

后之入後官也式部又從而侍之後嫁左衛門權佐
 宣孝生太貳三位式部才藝過人著源氏物語若干
 編初號藤式部以其若紫卷詞言特卓絕故改今名
 或云式部姓藤而藤花色紫故稱美呼紫式部云
 紀淑望嘗作古今集叙云有先師柿本大夫者高振
 神烈之思獨步古今之間有山邊赤人者亦倭歌之
 僊也蓋赤人姓山邊宿禰聖武帝時人也人麻呂姓
 柿本仕持統文武之朝位進從三位和州初瀨邊有
 人麻呂墓俗呼日歌墳也

十五 博雅三曲

十六 青砥十錢

源博雅者兵部尚書克明太王之子延喜帝之孫也
 朱雀承平四年叙從五位下後登三品城南木幡山

麓有一盲人素貧窶能鼓琵琶知三秘調博雅常就
 盲人學琵琶藝已精頗請受其秘曲盲人不許之雅
 自此夜夜潛如山麓伏匿于庭藜中欲聽之其來往
 將一百夜時秋季夜聞風月清朗盲人獨乘閑興偶
 取胡琴彈三曲雅聽之大喜悉記其秘調或曰雅值
 蟬麻呂受焉訛也

金吾校尉青砥氏藤綱者仕北條相摸守貞時貞時
 命藤綱令治其管内相陽地數十所因茲資財不乏
 然而服以綿布飯用燒鹽其儉素守身多此類也為
 私則不侈用為公則不齎財性慈仁愛人見飢餓者
 與之飲食貧苦者與之錢布藤綱夜偶有故出行途
 中有河曰滑河及涉之其從者所帶之緡墮十錢於

河中藤網窟其緣邊民貨以五十錢以松火照之令
搜求遂獲所失十錢于水底而歸其後有人笑曰其
利少而其損大也藤網聽之頓頓曰嗚呼汝不知世
費又不慮所以惠民失十錢儻不採得則永沈滑河
我所損者為民之利所獲十錢亦存世則此六十錢
不失一豈非宇內之利乎

十七道鏡赤眼

十八清寧白髮

孝謙女帝時有弓削道鏡者帝寵之甚矣常侍帝之
左右廢帝八年九月孝謙授太政大臣于鏡既而孝
謙帝遷廢帝於淡路國重踐祚神護二年又授以法
皇位景雲三年屈西宮前殿受百僚朝賀宰府主神
阿曾諂鏡矯宇佐大神託曰道鏡登極宇內安泰於

是帝乃使和氣清麻呂含詔而聽神令和清詣宇佐
神祠神靈託言曰夫天下者車器也君王者黎元之
依賴也我邦上自神世以來皇緒不移繼統何況於
暴亂之臣乎和清歸洛直奏神言於是鏡大忿怒眼
赤如血叱和清解其官爵貶隅州孝謙帝崩而後鏡
歷年在下野國而疾歿

清寧天皇者雄略帝第三子也母曰葛城韓媛天皇
生而白髮故號曰白髮天皇長而愛民雄略帝於諸
子中特異之立為皇太子雄略帝崩天皇踐位五年
正月己丑崩于官葬于河內坂門原陵

十九持統賜稻

二十元正把笏

持統天皇開別帝即天智帝也之女深沉好禮節儉有儀

德賜京師及畿內老男耆女五千三十有一人稱人
二十束又詔令天下百姓困窮者賜稻男三束女二
束賜京師及畿內有位年八十以上人衾一領絕二
匹綿二屯布四端亦賜京師男女年八十以上及困
乏窮者布各有差云

元正帝者元明帝娘文武帝妹也和銅八年元明帝
脫薨元正帝受禪帝賦才穎敏好德愛材養老三
年勅使諸僚把笏是本朝把笏權輿乎此云

廿一忠光魚鱗

廿二山背馬骨

忠光者平氏之從士也稱上總五郎兵衛後鳥羽帝
建久三年經營永福寺之新堂賴朝檢覽之忠光以
魚鱗蔽龙眼偽如眇者懷劍在繇後之間欲狙賴朝

而刺之賴朝潛知之怪之使景時捕而問焉忠光以
實答即命景時而殺之

山背大兄王者聖德太子之子也聖德娶敏達帝皇
女貝鮪爲妻生大兄王皇極帝時蘇我臣入鹿深忌
聖德太子等威名振於天下獨謀僭立於是遣小德
巨勢德大臣大仁土師娑婆連圍山背王於班鳩奴
三成與數十舍人出而拒戰娑婆連中箭而歿軍衆
恐退山背大兄取馬骨投置內寢遂率其妃并子弟
等得間逃出隱膽駒山三輪文屋君舍人田目連及
其女菟田諸石伊勢阿部堅經從焉巨勢德大臣等
燒班鳩宮灰中見骨誤謂王歿解圍退去矣

廿三竹澤穴舟

廿四顯基慕月

新田元兵衛、佐義興、元中將義貞之庶子也。父義貞戰歿後，義興與弟二人赴越。之後州築城郭，據之。既而武州、埜州脫士亡卒之黨，共記盟誓之書，密遣之新田氏。曰：公等三人之中，若一人來，趣東國以建義旗，則推以為主。兩州之士皆率從焉。於是義興率其軍士百餘人，遂出越，適武州。有好事于新田者，恨于畠山之輩，咸欲屬義興軍事。發覺聞于鎌倉。畠山道誓大駭，不安寢食。諸客中有竹澤某者，道誓夜密招渠，語曰：足下往年屬義興，盡其戰功。今雖從我，而義興豈忘舊好哉？歎殺之者，無如足下。足下若殺之，則其賞須從所求。竹澤諾之，偽為肩犯劊律，違府君命所刑。其名籍沒收，其采地如含恨者，而出相州走武

州。見義興說之，曰：我以輕罪逆府，命竟所黜，遂為孤旅之身。僥倖一旦之命，來歸于公。我嚮忘宿好之義，蒙翻覆之名，其罪不可免。儻公宥舊咎，置諸麾下，則為公不顧躬代公之命，必戰歿。贖前之罪，盡言巧語，陳謝新田。始疑未許焉。漸入賄進美女，晨昏謹事，示無他志。如此半歲，義興遂日親昵，而帷幄之中，大謀密策靡不預焉。竹澤謂新田曰：公潛赴鎌倉，急發兵誘武野義徒以攻畠山，滅之在掌握矣。新田從其計，已欲往，整軍器，命諸士卒首途竹澤，竊意及矢口渡殺之。而於舟底鑿二穴，以斷木塞其穴。逆命舟子義興，不曾知，駕舟欲渡比及河甲，舟子拔斷木，水注于舟，舟中之人不知所為，俄而舟即淪覆，悉溺水而死。

黃門侍郎源顯基者延喜帝之曾孫西宮左府高明公孫亞相俊賢子也事于後一條帝號醍醐中納言兒稚好字長游大學雖置身於官闕而常棲志於林岳嘗言曰配所之月光無罪而見之是吾願也後削髮退隱大原結草廬安心而終壽

廿五 范藤自合

廿六 裴菅奇遇

藤良相嘗建延命院收育無家產者又管構崇親院保育宗族男女貧窶者納莊田惠飢寒故師鍊贊之曰余讀范文正公義田記以為獨恣美於千古惜無對也今見藤公延命崇親二字恨知之晚矣况於范公乎哉豈仁人之舉不期而自合與范氏又有匹矣元慶年中渤海使文籍監裴頌入朝以通聘好菅丞

相假為禮部侍郎接遇鴻臚館贈酬數篇事見國史及菅家集其後延喜中渤海裴瑒來聘菅淳茂相見賦詩其一聯句曰裴文籍後聞君久菅禮部孤看我新瑒吟之垂淚淳茂者菅三之子也瑒者邇之子異域二世兩家邂逅可謂奇遇也

廿七 譽津問鵠

廿八 延喜爵鷺

垂仁帝后狹穗姬所產之子曰譽津別皇子長而逮三十歲不能言語時有鵠鳥飛鳴皇子見之問曰此何物也自此後始言語云延喜帝幸神泉苑有一鷺立池汀帝詔侍中令捕之來侍中欲執之疎步而往鷺刷羽將翔侍中曰君主之綸言也勿飛去矣鷺俛首如聽之者留而未去侍

中乃執之以獻帝帝感嘆曰奇哉鳥獸之隨朕命也
迺自書鷺羽曰鳥王而遂放之後至備之中州而死
名其地曰鷺木林或曰此時賜爵於鷺為五位

廿九 康賴流歌

三十 滋藤吟句

平判官康賴與諸友士密謀滅相國清盛及其餘平
族而會于俊寬所居鹿谷矣事發覺平大師大怒竄
康賴等於鬼界嶋于時治承元年也康賴悲戀故鄉不已作
倭歌書之片木投于海中隨潮搖曳及經數日遂漂
至於藝州水濱康賴所曾識僧偶拾得之以歸洛到
紫野與之康賴老母云其歌曰薩摩加多澳濃兒嶋
仁我有登親仁波告與八重乃鹽風
藤忠文為征東大將軍向東海道途過駿之清見關

眺望滄海之淼茫時清原滋藤為軍監吟杜荀鶴漁
舟火影寒燒浪驛路鈴聲夜過山之句忠文歎其在
軍中而不忘文事

卅一 明子擇侍

卅二 貞子無妬

藤后明子者忠仁公良房女清和帝母后也嘗有言
曰為人君者宜能擇侍臣之賢否也自古貴而遺永
世之毀者多以使私心諂諛之人在側而不擇賢人
君子與之處也若使逆耳之人常侍其傍則忠言日
入而身自脩也明子謂之凍殿后也
貞子藤內府秀房女也嫁于九州大內左京大夫義
隆貞順不妒有賢女之譽義隆別室貯妾眷眚殊深
義隆在洛馳戀不忘貞子亦知之推其志意深亦憐

之數以衣服器物厚贈與之懇到之情無所不至又
贈之倭歌深罄心曲妾深感其恩遂事于貞子夙夜
甚謹貞子亦加恩愈厚妾眼眶帶淚言貞子曰君之
遇妾鄙重如斯假令主人歸國妾得其寵而豈復思
顧如此乎曰欲去飾為尼貞子泣止之曰嗚呼吾之
恤汝有所不至乎胡其不愛吾如此也願勿復言而
能事吾則吾幸也自此益加殊眷

卅三 美材墨妙

卅四 巨勢畫工

小埜美材者精翰墨曾奉勅寫白氏詩於御屏書其
後曰大原居易古詩聖小野美材今草神蓋美材臨
池之妙為時所推故自言亦爾
采女正巨勢金岡宇多帝時人也以善畫圖擅名當

時帝有勅令圖聖賢像于南庇東西障子爾後迄今
畫其障子以為舊例矣金岡為神泉苑監時管丞相
有寄巨先生乞畫圖之詩金岡有子曰巨勢朝臣相
覽亦善繼父之綸云

卅五 河勝舞曲

卅六 小松燈籠

秦河勝者欽明帝時人蓋秦始皇之末裔也本朝賜
姓曰秦氏推古帝御寓太子上官祭天神地祇以布
安國利民之政因作六十六番木偶面命河勝弄假
貌於紫宸殿前令之伎樂繇此國穩民寧太子以其
神樂折神字名之曰申樂傳言大荒明神者秦河勝
也

小松內大臣重盛平相國清盛之長子也性慈仁愛

入常患平大師之積不善必有餘殃而崇信浮屠氏之教曾於東山之麓大起梵宇其延袤四十八間每一間揭一燈籠都四十八燈照映炳然以供佛宇人呼曰燈籠大臣

卅七 式部紀局

卅八 倭姬齋宮

紫式部穎傑能咏倭歌屬倭語文兼閱儒釋之書又通本朝事蹟時人稱日本紀局故其聲價高乎古今可謂閨閣之英秀也其墳墓在城北郊雲林院白毫院南小埜諫議篁之墓西

倭姬者垂仁帝第一皇女尊為齊主侍祀于天照太神祠庶歷年齡既高不能奉祭祠故使五百野姬易之倭姬天生聰明貞潔而姿容異常能通神明按齋

王者撰皇女未嫁者卜之定之若無皇女則茂選諸王之女遣勅使至其家告以其事而後於宮城中擇潔清地以為始齋宮夜禊而入焉翌年更於城外卜清地營造野宮又夜禊而入焉明年亦卜定吉日臨西河夜除而到伊勢蓋入齋宮之前齋戒二年後三度也

卅九 佐國化蝶

四十 秀鄉射鼠

大江佐國未詳其所出太愛花遊長樂寺翫花吟日迎老蹉跎雙鬢雪見花洙著九春風又雲林院林下吟日一道寺深花簇雪數奇命薄鬢垂絲又詠庭前櫻日庭上兩三樹洛陽第一花又喜手栽梅開日隨分他年栽此樹豈圖今日見其花晚年吟日六十餘

回看不足他生定作愛花人傳言仇國沒後其子夢
亡父來告曰我化蝴蝶每春遽翔於花園其子不堪
追慕栽衆花每花房塗蜜以供群蝶
藤秀卿者丞相魚名公之玄孫河州牧村雄嫡嗣也
朱雀帝天慶中平將門政扈東州攻陷常陸殺平國
香秀卿與平貞盛之子香督奧野二州軍討之與將門
合戰辛鳴之地總大破之貞盛射中將門倒馬秀
卿馳馬遂斬其首殺戮甚衆東州底定以勲授野武
二州刺史尋而爲鎮守府將帥初秀卿過江州勢多
橋有神人來謂曰我居橋畔久矣有與我敵爭者而
無奈之何壯士儻亾之則幸甚矣秀卿首肯以選自
良岑側有物而來其怪不可計發大箭射之遂中其

身倒歿行見之卽巨蜈蚣也

四一振根木刀

四二石雄革鎧

崇神天皇詔群臣曰武日照命從天將來神寶藏于
出雲太神宮是欲見焉則遣矢田部造遠祖武諸隅
而使獻當是時出雲臣遠祖出雲振根往筑紫國而
不遇矣其弟飯入根被皇命以神寶貢上旣而振根
從筑紫還來聞神寶獻于朝廷責其弟飯入根曰數
日當待何恐之乎輒許神寶是以旣經年月猶懷忿
恨有殺弟之志欺弟曰項者於止屋淵多生萋願共
行欲見之弟隨兄而往先是兄竊作木刀形似真刀
自佩之弟佩真刀共到淵頭兄謂弟曰淵水清冷欲
共游泳弟從兄言各解佩刀置淵邊沐於水中兄先

上陸取弟真力自佩後弟驚取兄木力共相擊矣弟不得拔木力兄擊弟飯入根而殺之
弘仁四年帝嗟我冬奧州夷賊蜂起小埜石雄以牛羊之糶為鎧遂平定之云

三源順博識

四四惟康倒載

朝請大夫源能州刺史順者其先出自弘仁帝帝生定賜姓曰源號曰楊院大納言定生至仕擢中大夫左京兆尹至生攀攀生順順為人博聞強記識字屬文賦詩又詠倭歌比壯舉名進士直獎學院邑上帝天曆五年詔順等撰後撰和歌集又嘗著倭名類聚行乎世矣

惟康大王者宗尊之子文永七年纔七歲叙從三品

任尤近衛中將賜源朝臣姓治世二十許年北條氏時宗義政等握威於掌正應二年九月鎌倉武夫謀使惟康歸洛令之倒載車輿時人相語曰惟康謫于洛時歲二十六到洛西嵯峩髡髮云俗所謂倒載者必不得歸也

四五政顯二耻

四六肖柏三愛

勸修寺藤原政顯嘗曰非其位而向顏者耻也非其應而往亦耻也人能知此二耻則無耻矣

肖柏者村上帝之王子具平之遠裔而久我家之支葉也初屈雀嗜倭歌就種主菴宗祇洎東野州常緣學之窮風雅之蘊奧兼閱華夏之書後柏原帝召見便殿而連歌使柏呈發句御製賡載數盈百句帝大

喜賜天盃性耽靜間屏居津陽池田縛一小菴榜以
夢名曰夢菴好蒔花自稱牡丹花其行履也不道其
冠不儒其履又不耽佛術不以姓氏為高常愛酒香
花之三徵于建仁禪衲常菴龍崇作三愛記後徙栖
遲乎泉吟大永丁亥夏四月卒年八十五
按常菴建仁靈源菴

之祖以善文稱世語曰文章常菴詩江西

四七 祐成報讎

四八 為賴歿內

十即祐成者伊東祐親之孫父曰河津祐泰弟曰五
郎時宗父歿後母嫁于曾我祐信故兄弟俱冒繼父
祐信之氏改曰曾我建久四年五月將軍賴朝狩駿
州富士埜工藤祐經從之曾我氏兄弟窺其間隙夜
潛入于工藤氏假館殺之自此徑入將軍旅館殺十

許人旅館大騷矣仁田忠常擊殺祐成時宗走進欲
近將軍將軍提劍將出于時有小舍人童五郎九者
有力勝人乃執時宗祐成齡二十二時宗登二十歲
初安元二年父祐泰在豆州狩場不圖而中矢歿是
乃工藤祐經之所計至是時宗竟復此讎也
淺原為賴者其祖出於源義光所謂甲斐源氏也伏
見帝在位正應三年三月四月紫宸殿獅子狛犬自
破裂眾皆怪之九日甲州淺原為賴携其子二人被
甲冑乘馬馳入省中訊上所在於官女官中大驚騷
與宿直之諸士相戰竟於御茵上自殺其子亦於紫
宸殿自殺矣

四九 兒屋占卜

五十 文武釋奠

瓊杵尊降臨時天兒屋根命主神事之宗源者也故
俾以太占之上事而奉仕焉高皇產靈尊因敕曰吾
則起樹天津神籬及天津磐境當爲吾孫奉齋矣汝
天兒屋根命太玉命宜持天津神籬降於葦原中國
亦爲吾孫奉齋焉乃使二神陪從天忍穗耳尊以降
也
文武帝天武帝之孫天武生草壁皇子不卽位而薨
持統乃立地統病讓位於草壁王之子珂瑠王踐祚
謂之文武帝大寶元年二月丁巳始於大學寮修釋
奠之禮祭文宣王自此累世春秋二仲上丁無絕慶
雲四年六月崩歲二十五帝性寬仁從容好學能詩
又能弓鼓云

五一常磐中臣

五二白河北面

常磐大連者天兒屋根命十八世孫而雷大臣命七
世孫也父曰黑田大連雷大臣命仲哀帝時詳龜卜
術帝賞之始賜卜部姓至常磐大連授中臣被於欽
明帝帝詔改卜部以賜中臣姓

白河帝者後三條帝第一之子諱貞仁母藤茂子延
元四年履皇基時二十歲應德三年十一月讓重器
於堀河帝而稱太上皇康和元年宰臣師通薨太上
皇自握樞機政事悉出於院中又撰大中納言參議
等人以號院別當令之執事威權甚重矣且始置北
面土而宿直院殿備兵曹矣後鳥羽帝者諱尊成高
倉帝第四子母藤殖子建久九年正月遁其位立太

子爲仁爲帝土御門承元四年鳥羽上皇使帝讓太寶於守成皇子號之順德帝後鳥羽帝至承久三年四月鳥羽上皇憤武夫之擅國權而常謀討之故咏歌絃管之暇自講弓馬院中北面士之外別置西面士以聚英雄

五三 醍醐藥署

五四 嵯峩花宴

醍醐帝延喜年中定尚藥署之式云凡醫者讀太素經限四百六十日新修本草限三百十日其賞賜博士得業生針醫及鑿師各有差
嵯峩帝者平城帝弟也諱神埜大同四年四月平城帝脫躡而嵯峩帝受禪弘仁三年二月幸神泉苑而賞芳花詔諸臣賦詩什蓋花宴者濫觴於斯矣帝平

素好經傳文章機瓊華筆勢制龍虎又好遨遊屢幸大原栗前水生交野芹川大堰川之勝地或賦詩開宴焉後脫躡而遷於冷然院仁明帝承和九年崩歲五十七是後村上帝康保二年三月於南殿有花宴後遂屢設宴皆有探韻詩凡探韻之式儒士先定題然後以古詩一句或二句或二聯分之覆置案上中少將爲主上取二韻字奉之諸臣各探得一字上言某官姓名賜某字也

五五 讚岐生日

五六 有智齋院

讚岐者源光祿賴政女掌仕乎二條院性聰慧多咏倭歌又畧看閱經史以才名著于當時常謂曰今世人以生自慶賀之者厥非謬妄之甚乎我乃每值誕

日灑涕悲泣追憶母之勞苦食味不能一入口而已
有智內親王者差窳帝第三皇女也聰俊才藝最可
稱頗涉經傳史漢兼善屬文帝嘗有故為其禱祀准
于勞陽齋宮以有智皇女為賀茂齋王自此後累世
無斷矣弘仁帝幸齋院花宴俾文人賦春自山莊詩
各探勤韻皇女探得塘光行蒼即瀝筆曰寂寂幽莊
迷樹裏仙輿一降一池塘棲林孤鳥識春澤隱澗寒
花見月光泉聲近報新雷響山色高晴舊雨行從此
吏知恩顧渥生涯何以蒼穹蒼帝歎之授三品于時
年十七是日帝書懷賜皇女曰恭以文章著國家莫
將榮樂負烟霞即今永抱幽貞意無事終須遣歲華
尋賜召文人料封百戶天長十年叙二品性貞潔屈

于嵯峨西莊薨時春秋四十一時承和十四年也

五七 重家光將

五八 時尚金侍

重家者姓藤原忠義公兼通之孫左大臣顯光公之
子也其生質秀美顏容有光輝絕倫於世官至左少
將時人呼曰光少將也

侍從時尚者傳陸侯藤道隆公之裔金吾將軍信賴
之子也二條帝平治年中信賴與大僕卿源義朝叛
信賴伏誅其子時尚雖幼而不于軍事以逆蔭竄奧
州州人憐其簪纓之族多與黃金治承之赦回京都
歸橐多入黃金都人士女呼金侍從侍從構屈於城
東之地家資富繁以金埋所居之地世號曰福地今
之南禪寺其舊地也

五九 大友初詩

六十 直幹得意

大友皇子者天智帝之子母曰宅子伊賀采女也皇
 子亦名伊賀皇子才藝卓絕天姿好讀書且能屬文
 初賦詩句時人皆服其才天智帝亦愛其才敏常使
 之從政事帝崩而天武帝討大友大友不能禦之遂
 授其首蓋本朝之詩始於大友也大津皇子天武天
 皇第三子母大田皇女也皇子容止墻岸音辭俊明
 為天智天皇所愛及長辨有才學尤愛文筆詩賦之
 興自大津始也有遊獵詩曰朝擇三能士暮開萬騎
 進喫齋俱豁矣傾蓋共陶然月弓暉谷裏雲旌張嶺
 前曦光已隱山壯士且留連又有臨終詩曰金鳥臨
 西舍鼓聲催短命泉路無賓主此夕離家向 右二

說不同然而大友天智之子而有待宴詩曰皇明光
 日月帝德載天地三才並泰昌萬國表臣義又有述
 懷詩曰道德承天訓鹽梅寄真宰羞無監撫術安能
 臨四海且大友先大津而卒然則詩之始于大友明
 也

直幹者橘氏邑上帝時人也詩才秀傑天曆三年十
 二月與大江朝綱菅原文時大江維時等奉勅撰詩
 小野道風書之屏風繪上繪者巨勢公忠也直幹曾有遊石
 山寺詩曰蒼波路遠雲千里白雲山深鳥一聲世人
 稱之後圓融帝天元五年九月枝山桑門奮然入宋
 國以此一聯為已所述雲改霞鳥改蟲以示之宋人
 宋人見曰佳句也但以霞改雲以蟲改鳥可乎奮然

本朝 卷中 九十一
咲退又嘗有隣家詩曰春煙迤讓簾前色曉浪潛分
枕上聲自以為得意

六一 貞敏音樂

六二 高子寶器

藤貞敏者淡海公之玄孫祖父曰築府都督濱成父
曰刑部卿繼彥仕淳和帝補掃部頭掌鋪設嗟我帝
弘仁中隨遣唐大使藤常嗣入於中華逢伶人廉妾
夫習受樂音能極其精妙還乎本邦天長十四年敕
授大樂署令掌樂音能通呂律專其門云
高內侍曰世器之至寶者書冊墨之研殘四五寸紙
之剪端拋棄之秃筆三錢之方兄此五箇之外我未
知雖有龍宮神寶在我神國而不足以比之高內侍
者高階成忠女道隆公室儀同三司伊周公母也

六三 親元陰德

六四 清行封事

房州牧源親元者家世武臣白河帝潛藩時備警衛
為金吾移延尉司獄而行陰德笞杖減數刑罰緩法
年過不惑務佛事營作一宇於洛東安彌陀像華麗
耀煜俗號光堂嘉保三年堀河帝知房州以俸餘建蘭
若官務之暇專唱念佛兼勸吏民令以修法若淨信
者適有犯法而被勘鞠則必枉弛其刑由此州民前
後歸佛乘者甚眾矣秩滿廻京庶民遮路泣留如離
父母長治二年六十八齡卒
清行者姓三善位至參議其學博洽而善辭章兼通
算數醍醐帝時為文章博士延喜十四年上封事言
宇內州縣多建寺塔捨田園為佛地盡資產營佛像

且王公殿閣妃嬪室官究土木之巧賦調庸之用悉無不耗費其文載在本朝文粹

六五 內九紫服

六六 鎌子錦冠

藤原內麻呂者正二位大納言眞楠子桓武朝任大納言至平城朝拜從二位右大臣大同四年有詔聽朝服著紫嗟我帝弘仁三年冬十月歲五十七而薨有子曰閑院冬嗣

孝德天皇以中臣鎌子連鎌子又為內臣增封若干戶鎌子懷至忠之誠據宰臣之勢處官司之上故進退廢置計從事立天智天皇八年及鎌子連病而天皇憂之極甚於是遣東宮太皇弟於鎌子家授大織冠與大臣位賜姓為藤原氏天皇幸藤原內大臣家

親問所患而憂悴極甚乃詔曰天道輔仁何乃虛乎積善餘慶猶是無徵耶若有所須便可以聞對曰臣既不敏當復何言但其葬事宜用輕易生則無勢於軍國死則何敢重難云時賢人聞之嘆曰此一言竊比於往哲之嘉言矣辛酉年春秋五十六而薨于私第遷殯於山南天皇又幸大臣家命太錦上蘇我赤兄奉宣恩詔仍賜金香鑪其碑云天何不淑不整遺者嗚呼哀哉春秋五十有六而薨

六七 貞觀蔬膳

六八 開別木丸

貞觀帝者清和帝仁壽帝文德帝第四子也天安二年十有一月即位饗國十九年海內安寧貞觀十八年遜位太子幸水尾山營佛宇當寢陵帝風儀端嚴邈

如神仙好經史耽釋書鷹犬玩好弄而不御嘗以真
雅宗睿爲法友出宮之後在清和院御饌只菜蔬而
已元慶四年亥月四日薨壽三十一遺詔不建山陵
云

開別皇子者舒明帝子登九五謂之天智天皇母太
后齊明天皇御宅中華與新羅擊破百濟百濟臣福
信請救於我齊明天皇廼趣軍幸土佐國朝倉開別
爲太子攝行軍令起黑木殿於山中以省民之費勞
效采椽不削茅茨不裁之儉民皆服其德謂之木丸
殿齊明天皇崩太子素服聞政葬天皇而後即位于
滋賀朱鳥元年崩

六九源融乘輦

七十藤房棄官

源融公者嵯叅帝之子官拜左丞相位授儀同三司
性好遊樂愛虫魚鳥獸中花樹木掌形模陸之鹽竈
營造河原院於其傍巨穿池沼令人民運潮水於津
陽之浦每日眺望以爲觀娛矣亦建栖霞觀於西峩
事歡娛宇多帝寬平元年十有一月許乘輦出入官
中七年薨壽七十三

藤納言藤房者高藤公十五葉孫亞相宣房子也事
于後醍醐帝性忠鯁而有志節元弘中平族構難帝
出京師播越屈于河州笠置城藤房與其弟季房俱
從駕焉正慶二年平高時自殺平族旣殲於是乎闔
國悉奉帝故帝自隱州復歸于洛藤房亦從歸建武
元年新築大內宮室土木之用甚耗費財貨又起馬

場殿數覽競馬之戲時雲州刺史鹽高貞獻良馬帝
 大悅焉詔馬寮而飼美之帝因問群臣一日千里良
 馬其祥如何衆咸曰良馬之出者聖德之瑞也帝愈
 喜藤房後至坐定問藤房對曰考據古書一日千里
 馬皆非其祥况今兵革雖漸息下民猶荼色而盛構
 大內愛翫奇獸用度不節郡縣煩勞臣未見其可也
 帝聽作色藤房數納忠諫帝遂不聽遂脫儒冠剃染
 往于花園郊登正法山之籌室受衣孟於玄關山爲
 妙心禪刹第二世宗彌字授翁者是也以康曆二年
 後花 庚申三月二十有八日寂世壽八十五法臘四
 十三建塔於正法山中名曰天授院
 七二 顯宗曲水
 七二 桓武平安

顯宗帝一名弘計天皇去來穗別天皇孫而市邊押
 磐皇子之子也母曰萬媛帝初久屈邊裔悉知黎民
 憂苦恒見枉窟若自轉四支於溝壑卽祚布德施惠
 政令流行卹窮養孀宇內親附元年三月上巳始開
 曲水宴幸後苑二年三月上巳又後苑設曲水宴是
 時會集公卿大夫臣連國造伴造爲宴群臣頗稱萬
 歲三年又有三月上巳宴卽年四月庚辰崩于八鈞
 宮

桓武帝光仁帝之元子也母曰高埜夫人天應元年
 光仁崩桓武踐位古管我日域遷京甚多矣神武始
 都於日州橿原宮至成務元年遷近江滋賀郡仲哀
 二年遷長州豐浦神功都和州輕島明宮應神遷和

州岩根稚櫻宮仁德都攝州難波郡又作浪速高津
 宮履中二年都和州十市郡反正元年都河內柴籬
 宮允恭四十二年都和州飛鳥宮雄略二十一年遷
 和州泊瀨朝倉宮繼射五年都城州筒城郡筒城或
 十二年又遷乙訓又作臨國宣化元年都和州檜隈
 孝德大化元年都攝州長良造宮于豐崎齊明二年
 都和州岡本天智六年遷都於近州志賀大津宮天
 武元年遷和州岡本宮謂之淨見原宮持統造宮于
 和州藤原元明都和州平城平城或奈良或乃樂或
 至桓武延曆三年冬十月二日自奈良京春日鄉遷
 山州長岡十二年春正月遣御史大夫藤小黒尚書
 左丞紀古佐美相城州葛埜郡宇多新城之地復奏

日見其地勢左青龍右白虎前朱雀後玄武而四神
 相應之土地也最宜定皇州焉於是十有三年冬十
 有一月二十一日自長岡遷都于此謂之平安城陶
 一土偶人其長八尺計被鐵甲胄挾鐵弓矢埋之平
 安城外東山之上今之西面而護天邑呼之日將軍
 塚傳言若有國家變則此塚震鳴也

七三 手力引手

七四 正行療疰

信州戶隱明神者思兼之子手力雄命也天照太神
 入天岩戶時手力雄命立戶之側使天鈿女巧作俳
 優于時日神聞之日吾比閉屈石窟謂當豐葦原中
 國必為長夜云何天鈿女喙樂如此者乎乃曰御手
 細開磐戶窺之手力雄神則奉承天照太神之手引

而奉出焉

楠帶刀正行、正成之長男年二十五而率軍與細川顯氏山名時氏大鬪、士卒皆危、師不利而退、泉州安部埜之戰、渡邊橋陷、敵軍之士卒溺水漂流者五百有餘人、時嚴寒、落指、風霜凝鬚、正行性慈、惠寬容、見而愍之、命其士卒令援上岸、不堪其痛苦者、即與之衣、救之、飢温身、昇藥療其傷、疵給鞍馬、盡還送焉、後感此恩情、敵軍屬正行為四條繩手之戰、皆討死云。

七五 兼平含刃

今井四郎兼平者、木曾義仲乳媪之子、樋口次郎兼光之弟也、兄弟共仕義仲、甚勵軍功、元曆中、義仲為義經被敗、中流矢而死、石田為久、刎其首、兼平遂含

七六 義經拜旗

刃鋒而自殺

豫州守源廷尉義經者、龙典廐義朝之第六子也、小字牛若母、日常盤蓋為九條院官婢也、義朝悅其麗質、自納為妾、產義經、平治年中、義朝黨于藤信賴、反逆安藝、守清盛討之、殺義朝、時義經孤兒、而未免母之襁褓、一條大藏卿長成以其母美艷、納之為妻、而後使義經趨北嶺鞍馬寺為僧、東光坊、沙門為之師也、承安元年、高倉帝歲十六而自加冠、潛出寺、託與州、金南三條、吉次、信高者、遙赴奥州、始接遇於鎮守府、將軍兼陸奥守藤原秀衡、秀衡接之甚厚、留奥一年而亦返京師、一條堀河有陰陽家法眼鬼一者、其家傳兵書、而秘之、不出、義經願覽其書、謀與彼女通

密偷兵書披閱焉悉得其指要既而治承四年賴朝奉後白河上皇詔命欲討伐平族勃興乎豆州義經聞之遂行關東遇兄賴朝于黃瀬河旅館命義經率諸軍為將而討平氏義經以而勇敢兼便弓馬甚有筭畧所戰必勝所圖必破人無能當其鋒者壽永二年平族以讚州屋島為城郭構皇座遷幼帝文治元年平氏築城郭於長州赤間關遣知盛守之使宗盛居屋島於是賴朝使範賴攻九州命義經攻屋島義經自渡邊泛船乘烈風之屋島遂焚蕩屋島之官闕兵威甚盛平軍敗績退而保長州義經追至長州又與平氏大戰于赤間關于時有物如雲自九霄下覆其所乘之船就而見之則一白旗也義經悅曰奇哉

真天之所賜也即脫曹拜之

七七 豐王化龍

七八 浦嶋得龜

豐王姬者海神之女也彦火火出見命娶之仍留任海官已經三年有憶鄉之情豐王姬聞之謂其父曰天孫悽然數歎蓋懷土之憂乎海神乃延彦火火出見尊從容請曰欲還鄉吾當奉送豐王姬謂曰妾已娠矣當產不久妾必以風濤急峻之日出到海濱請為我作產室相待矣彦火火出見尊已還宮後豐王姬果如前期將其女弟玉依姬直冒風波來到海邊逮臨產時請曰妾產時幸勿以看之尊猶不能忍竊往覘之豐王方產化為龍而甚慙之

雄略帝二十二年秋七月丹波國餘社郡管川人水

江浦鳴子乘舟而釣遂得大龜便化為女於是浦島子感以為婦相逐入海到蓬萊山歷觀仙家

七九經信多藝

八十文時老詩

源經信字多帝之玄孫也帝生敦實親王王生雅信重信重信生道方道方生經信補大納言稱曰桂大納言初圓融上皇遊幸大井河分詩歌管絃三船群臣各因其所長以施其藝藤公任併達其三藝船司問曰君可乘何船公任乘倭歌船獻秀歌既而悔曰倭歌者人人詠之不如駕詩船之愈也白河帝又幸大井河又連三船經信乘管絃船勤其事而併獻詩歌時人服其多藝蓋聞公任之所以悔而然也嘉保九年六月遷大宰帥而赴紫陽承德元年正月於府

卒歲八十二

源英明夏日作詩曰池冷水無三伏夏松高風有一聲秋管文時在側曰宜以池字改水水改池以松字改風風改松滿座歎曰管博士可謂老詩人也

八一昭宜拜孔

八二管相愛温

堀河相國基經者父曰長良叔父忠仁公良房養為子陽成光孝間行天下政拜相國繼為博陸侯仁和二一年八月釋奠於大學寮基經來拜孔子寬平三年正月十三日年五十六而薨賜謚昭宜公封越前公菅相公名道真字三其先出自天穗日命父是善相公幼而穎敏歲十一時是善問曰汝若作詩可賦寒夜即事公應聲吟曰月耀如晴雪梅花似照星可憐

金鏡轉庭上玉房馨椿府歡好籍甚矣其銳才如此
常日温庭筠詩體優長予常愛之宇多帝寬平六年
渤海使裴頌文籍來見公詩曰甚有白居易之風七
年拜中納言九年兼右大將與大納言兼左大將時
平同執柄昌泰二年二月拜右僕射醍醐帝延喜元
年正月二十有五日遇藤時平譖而坐左遷大宰權
帥三年二月二十有五日薨于紫陽歲五十九

八三公經聚石

八四秋津吟門

西園寺公經者閑院太政大臣公季八世之孫而內
大臣實宗之次子順德帝承久三年七月登拜大臣
後堀河帝貞應元年四月拜相國嘉祿中立西園寺
其爲繁榮炳然一時矣又造山莊於北山築假山萃

奇樹芳中聚怪石穿池作亭以爲遊慰之所一世之
繁華不可謂也後差叅帝寬元元年薨歲七十有一
號一條入道子實氏至相國號常盤井入道

宗岡秋津奉試登第帝賜書曰秋津久在學館齡筭
已積頗逢數年課試常歎一身之淪落方今適擅摘
藻之美以入攀桂之列云云秋津感詔旨之辱拜戴
捧出舞蹈大庭乘輿且歌且行白髮戴霜青衫乘月
不覺到建禮門忽得兩句曰今宵奉詔歡無極建禮
門前舞蹈人高吟三四衛兵士異之問曰何人荅曰
新進士老學生宗岡秋津也衛士責曰此是建禮門
也匪汝之所到也况高吟驚耳乎秋津愕然謝之

八五豐歛直心

八六小督正言

豐稔入姬命者崇神帝之女也帝嘗納紀州荒河戶
畔女宿禰女也為次妃生豐鍬初神武都於和州
時以日神之靈鏡置於大殿如與神同牀而坐焉崇
神帝甚憚神威共住不安焉故命豐鍬姬祭日神于
大和笠縫邑豐稔姬曰吾神明之道直心之外更何
之有哉事雖有萬品唯約直心而已此心之外雖求
天求地而何益之有
小督局曰凡語妖恠者必因其心不正只曰平常之
正言發則萬言萬當事事無違而保身之道也蓋小
督者高倉院之官女云

八七 意美賜大

八八 仲太感息

意美麻呂者大織冠鎌足之從父兄弟也意美能傳

神事龜卜道鎌足以女妻之初姓藤原文武帝二年
改藤原令復中臣姓為神祇伯中納言稱德帝神護
景雲三年加賜大字號大中臣此姓沿革甚多

仲太者本院左相時平之孫亞相時朝之家士也時
朝嘗蓄一奇硯珍襲藏諸家平日不出之每有拜任
官爵必出而翫視焉及進亞相翫弄之畢亦包錦袋
入于篋笥忠太願一視而不能也亞相有兒齡纔十
歲忠太唆之密披笥解錦袋紐視之忽有梵音聞外
忠太意時朝之到心懼之遽將入之篋中誤墜於手
碎為二仲太愁恐不知所計兒謂仲太曰汝勿大駭
嘆我不歸咎於汝告父以我所破則必不深罪忠太
合掌悲喜交至既而亞相還家視硯破却窮問所由

兒自言其所為亞相翹然大怒曰此硯者鼻祖鎌子
 連詣在吉神祠有神託云我自止跡于此地以降幾
 星霜于茲矣到來者衆而未嘗見其誠實者今獲汝
 誠慙如此我甚嘉之故以一硯付與之汝若每官進
 位昇乃須看之託畢鎌子之尤袂倏有一硯歸家以
 寶焉傳逮乎我可謂名器而世無雙今汝破碎之何
 也竟列幼子頭仲太大悲哀日夜不堪傷痛於是棄
 俗圓其顱方其袍改名性空赴播州結菴書寫山年
 八十而逝仲太者蓋大中大夫橋善根之子也

八九 安倍仲麻呂留唐

九十 和清竄隅

安倍仲麻呂者中務太輔船守之子也其志趣高邁
 好讀書以才識與吉備齊名元正帝靈龜二年從遣

唐使縣守赴中華時歲十六居三年而歸聖武朝再
 低唐留學久不歸改姓名朝衡焉玄宗愛其才厚遇
 之官至秘書監累遷檢校肅宗時值安史之亂將歸
 日本而沒王維包佶李白徐凝各以詩送之為中華
 名傑所愛惜如此矣

和氣清麻呂者鐸石別命之後與其姊廣蟲事高野

天皇所優遇官至亞相封賜五千戶當帝之重踐祚

踐祚日稱德再

遷登太師為宰臣執政柄竟受法皇之號宰府主神

阿曾矯八幡大神託曰道鏡登極宇內泰平道鏡喜

告帝帝雖息眷之而不能以私讓寶位因勅清麻呂

詣宇佐神祠親聽神令和清赴宇佐歸奏神旨言我

國家皇統相繼，應運未混他姓。今無道之臣，何覲寶位哉！鏡聽大怒，解清官爵，竄隅州。

九一 敦光文篋

九二 男依赤符

吏部侍郎藤敦光，式部卿宇合之遠裔。累世好學，有名于家。所謂式家儒也。鳥羽帝時，召為侍讀，任大學頭。文章博士。光兄敦基亦為文章博士。光平生製作詩文盈二十篋。筒天養元年，齡八十二而卒。有子曰有光，紹家業為大學頭。

天武帝征大友皇子時，大友遣兵拒之。天武將村國男依率軍士數萬人，入江州攻擊之。恐其眾與江州師殺雜，以赤色著衣，上以為符，自長殺大友。將境部藥於橫川，又誅秦友。足于鳥籠山，列土師于鳥於安河。

遂至勢多大友，自將兵軍陣。勢多橋西，旗幟蔽野。埃塵連天，鼓鐘雷震，列弩亂發，矢降如雨。大友將智尊戰歿，大友敗走。男依乃超橋追討大友于粟津。大友趣山下，自縊而歿。時二十五歲。男依刎其頸，致之天武所。

九三 通憲埋土

九四 高國隱壺

藤原通憲，武智麻呂之苗裔也。父曰實兼，世以儒學為業。任文章博士。所謂南家之儒也。高階經敏以通憲幼而才幹過人，養以為子。及成人，好讀書博通事物。兼達諸道，通憲以不遂儒業入他姓家也。後復本姓。云通憲剃髮改名信西。及後白河帝時，登庸而預政事。二條帝平治元年，黃門右金吾藤信賴與信西

有隙遂搆兵信賴與源義朝謀欲討信西暨平清盛
信西豫知之逃出宮殿如奈良掘土埋身於地中敵
兵倏追來發土斬其頸其子皆流刑蓋笠置解脫上
人者憲之子也

武藏守細川高國戶部政春之子也後柏原帝永正
十七年二月與細川澄元爭柄六月澄元歿高國乃
擅威築城於攝州尼崎以自保後奈良帝享祿四年
六月三好長基使澄元之子晴元將兵與高國戰于
尼崎大敗之高國潛走入民家隱太壺中三好氏尋
之乃誅之

九五 島村化蟹

九六 清盛得鱸

高國之黨島村某勇而有膂力高國亡而後挾敵士

二人於左右而入水外傳其靈化而為蟹俗名謂之

島村蟹

平清盛備州刺史忠盛之子也初為藝州刺史時航
海自伊勢阿野津赴熊野有大鱸魚躍入舟中舟中
人皆祝之清盛曰古周武王渡江白魚跳入其舟夫
亦此祥歟乃命庖人煮之食之後進相國擅政柄

九七 巳貴訪兒

九八 瓊杵代親

天照大神以思兼神妹萬幡豐秋津姬命配正哉吾
勝勝速日天忍穗耳尊為妃令降之於葦原中國復
遣武甕槌神及經津主神先行驅除時二神降出
雲便問大巳貴神曰汝將此國奉天神耶以不對曰
吾兒事代主射鳥遊遊在三津之碕今當問以報之

乃遣使人訪之對曰天神所求何不奉獻故大已貴
神以其子之辭報于二神二神乃昇天復命而告之
日葦原中國皆已平竟時天照大神救日若然者方
當降吾兒矣且將降問皇孫已生號曰天津彦彦火
瓊瓊杵尊時有奏曰欲以此皇孫代降故天照大神
乃賜瓊杵尊八坂瓊曲玉及八咫鏡草薙劍三種寶
物令降中國

九九 輪子達經

百 佐用振巾

輪子者後差衰帝之孫女鎌倉將軍宗尊親主之女
也明敏有才思好看書常讀十三經善記之其語云
道德仁義者人之飲食也得之則在山中海畔而亦
可以養身失之則居帝都金殿而不能安身

宣化欽明之際大伴狹手彦奉詔率兵航渡以破高
麗其妻曰佐用姬傷分袂之悲登松浦山而振領巾
遙招狹手彦之舩遂名其山曰領巾振山山在肥之
前州按欽明天皇時新羅不服天皇二十三年秋七
月遣大將軍紀男麻呂宿禰副將河邊臣瓊正及伊
企儼等與新羅戰新羅乃進軍逆戰破之官軍前鋒
所傷甚多而遂降矣唯伊企儼爲人勇烈終不降服
新羅將拔刀欲斬逼而脫禪追令以屍醫向日本大
號叫曰日本將留我臆腫伊企儼卽號叫曰新羅王
啗我臆腫雖被苦逼尚如前叫由是見殺其子舅子
亦抱其父而歿伊企儼辭旨難奪皆如此由此特爲
諸將師所痛惜其妻大葉子亦並見禽愴然而歌曰

柯羅俱爾能基能陪爾陀致底於譜磨故幡比例甫
振領巾囉須母耶魔等陞武岐底蓋領巾振者大葉子
事耳而後人誤爲用姬事可疑矣

百一 賴之輔佐

百二 良相慈仁

細川右典廐賴之者足利尊氏之臣仕尊氏義詮而
多戰功貞治六年義詮以倦繁務讓義滿賴之爲之
執事義滿時十歲賴之輔佐幼君以天下爲已任退
佞臣而進方正且使有文才者侍左右從容匡導之
爲卑禮招賢之媒且使髡者六人蒙異衣著袴帶大
小刀似俳優者名曰佞坊又曰童坊稱某阿彌滑稽
諂諛戲謔佞媚徘徊營中以爲笑是欲使義滿疾佞
者也故謂諸士爲讒佞者呼曰侍佞坊人皆耻之於

是制法律示諸士又評議采地獄船之事其餘政道
糾斷是非世以爲良傳且密誨義滿以善言於諸士
羅列之時使言之故雖義滿尚幼而衆皆無不畏服
後賴之薙髮曰常久明德三年二月卒歲六十四號
永泰院義滿自送葬

藤原尤僕射良相閑院尤丞相冬嗣公第五子忠仁
公良房同母弟也童稚有遠識弱冠游太學仁明帝
承和元年擢陪侍齡及不惑亡配江氏爾後不娶性
慈仁輕財重法勸學院南建延命院收養藤氏無家
產者東京別業置崇親院保育族女寡窶者二字割
封戶納莊田常延文學士惠寒苦人五十五而薨矣

百三 仁山祈聖

百四 兼俱亂神

等持院源尊氏號仁山居士與官軍戰失利遂赴于西州遠多多良濱之後遙廻眸於東方望野州足利祈學校孔聖像竟大勝入雒城也

卜部兼俱意美麻呂之後裔也卜部兼延十七葉之孫自兼延以還護洛東吉田神社以神祇龜卜為業至兼俱以神祇之道資佛氏之教以混淆之而為一

致遂亂日域之神後柏原帝永正八年卒年七十七

夏小角騰空 頁六進雄政雲

後小角者賀茂後公氏今之高賀茂者也和州葛木上郡茆原村人少敏悟博學兼鄉佛乘年三十二棄家入葛木山窟岩窟者三十餘歲藤葛為衣松果充食時時駕五色雲優遊仙府驅逐鬼神以為使令一

日告山神曰自葛木嶺蹊金峯山其間危嶮雖苦行者猶或艱汝等架石橋通行路眾神受命夜夜運崑石督營構小角呵神曰何不早成對曰葛木峯一言主神其形甚醜難晝後待夜出以故遲耳小角促一言主而不肯小角怒縛繫之深谷一言主託官人曰我是管逆寇之神也今見後小角潛窺國家不急治殆乎危官人以聞文武帝下勅召小角小角騰空飛去不得追捕官吏設計畧收其母小角不得已自來就囚便配豆大嶋

進雄尊者伊弉諾伊弉冊之子也二神敕素盞雄尊曰汝甚無道不可以君臨宇宙固當遠適之於根國矣遂逐之於是進雄尊請曰吾今奉教將就根國故

欲暫向高天原與姉相見而後永退矣敕許之乃昇詣於天也于時眞勃以之鼓盪山岳為之鳴响天照大神素知其神暴惡至聞來詣之狀乃勃然而驚曰吾弟之來豈以善意乎謂當有奪國之志歟夫父母既任諸子各有其境如何棄置當就之國而敢窺窬此處乎進雄尊對曰吾元無黑心但父母已有嚴勅將永就乎根國如不與姉相見吾何能敢去是以政澁雲霧遠自來參不意阿姉翻起嚴顏

百七 保胤殷聲

頁有章逸群

江州司馬慶保胤者冷泉帝圓融帝際人也以儒學為業能文詩具平親主問曰足下文才如何對曰似舊上達部駕毛車而時時有殷聲

菅三品文時為學生藤原有章讚曰伊子世祿之胤天爵自該接軫青牛巡遊乎道德之境分鑣班馬競驚乎儒雅之林况翰藻瀏淵英聲阜犖詞人之蓮峰水未足敵其風流君子之雪白蘭薰裁堪混其芳潔可謂姓藤之生逸群之駿者也字曰藤群眾之所望也

百九 弘仁之肉

百十 天長軟筋

弘仁天長二皇帝能草隸世稱二妙論者言弘仁勁筋之肉天長豐肉軟筋肌肉均平肥瘦適宜者只亭子皇子也皇子各恒貞天長帝第二之子也精翰墨人也弘仁者嵯峨帝天長者淳和帝也

百十一 守屋燒佛

百十二 馬子弑君

守屋燒佛 馬子弑君

物部守屋者尾興之子敏達帝以守屋為大連以蘇
馬子為大臣帝即位十三年秋九月從百濟獻彌勒
石像一軀馬子請其佛像經營佛殿於宅東安置石
佛屈請僧尼大會設齋是時亦國行疫疾死者多守
屋大連與中臣勝海大夫奏曰何故不肯用臣言自
考天皇及於陛下疫疾流行國民可絕豈非專由蘇
我臣之興行佛法歟天皇素不信佛法故詔曰灼然
宜斷佛法於是守屋大連自詣於寺踞坐胡牀斫倒
其塔縱火燔之并燒佛像與佛殿既而取所燒餘佛
像令棄難波堀江
蘇我馬子者稻目之子也敏達用明時為大臣執事
於朝廷上官皇子與馬子親睦甚矣及用明帝崩而

守屋竊議立帝弟穴穗邊皇子將即位為帝馬子不
肯殺穴穗邊而與上官共攻守屋守屋三戰三勝舍
人跡見赤擣跡見姓赤射殺守屋遂族之於是馬子
足謀立崇峻帝帝甚惡馬子之擅國政于時有人獻
山猪帝指猪曰何時殺我所嫌之人如斷此山猪乎
上官皇子在坐又有寵襄之女以所聞共告馬子馬
子畏而使入弑帝

百十三 狹知作盾

百十四 鹽土投櫛

高皇產靈尊敕大物主神汝若以國神為妻吾猶謂
女有疏心故今以吾女三穗津姬配汝為妻宜領八
十萬神永為皇孫奉護乃使還降之即以彦狹知神
為作盾者此作盾之始也

火出見尊患兄黃鉤乃行至海邊徬徨嗟嘆時有一長老忽然而至自稱鹽土老翁乃問之曰君是誰者何故患於此處乎火出見尊具言其事老翁即取囊中玄櫛投地則化成五百箇竹林因取其竹作鹿籠內尊於籠中投之海直到海神豐王彥之宮

百十五履中賞櫻

百十六諸兄獻橘

履中帝仁德帝之子母曰磐之媛帝曾浮舟於蘆池置酒設宴于時櫻花落而入帝之所舉盃帝大悅賞之遂名宮曰稚櫻宮分遣文墨之士於萬國記其國中事在位六年而崩年六十橘諸兄公初曰葛城王敏達帝之玄孫也帝誕難波親王親王生栗隈王授正一品栗隈生美奴王為禮

部尚書通議大夫美奴生葛城王聖武皇帝天平元年冬十一月帝自取橘賜葛城王敕使以之為姓且改名諸兄十年補右僕射十有五年轉左僕射號并手左大臣二十有一年叙文散位孝謙帝寶字元年享歲七十四而薨矣

百十七吉備軍制

百十八匡房兵術

吉備大臣始曰下道真備仕乎元正聖武孝謙光仁之際再入中華振名異域博識聲價為時流所推故進拜右僕射歸自華夏進其所習唐禮百餘卷軍制亦在其中聖武帝大嘉之闔國以為矜式孝謙天平寶字四年十有一月遣春日部三關土師宿禰關成等十六人於大宰府令就吉備朝臣此時為大宰大貳講習

諸葛八陣孫子九地及結營向背也

中納言匡房姓大江世以儒學名家性英敏八歲能讀遷固之書堀河帝時爲宰府權帥博洽強記而能辯論時人不斥其名稱之江帥迄今世人公襲謂人有才能論辨者爲江帥遂以爲口實其祖先維時得張良一卷兵書傳至於匡房時源義家累葉將族而不知字請匡房以國字譯解此書匡房諾之書以授義家義家藏之家珍焉鳥羽帝天永二年七月疾而終享年七十一

百十九 忠常人穴

百廿 義仲朝日

仁田四郎忠常姓源出於清和帝而桃園親主貞純之支流也建仁三年六月大樹賴家狩于駿州富士

其山麓有空谷號之人穴命忠常使窮其穴賜以寶劍忠常承命直入於穴中翌日而出言大樹云洞口甚狹隘不可廻踵故進步難澁其中暗昧而難知途傷心魂多吾與從者各執炬火進行路水流浸足輪輻多飛遮顏不知其幾千萬前有巨川逆浪奔漲欲渡之足失據時倏見火光之怪異從者四人頓歿矣忠常投劍于河中得生還

木曾義仲者源爲義之孫而義賢之子也治承之時源賴朝等蜂起義仲聞之又起于信陽威振北地其臣今井兼平樋口兼光楯親忠根井行近等更有軍功壽永二年八月太上帝後白河帝削平氏官籍以其采地頒賜之諸源以豫州與義仲授龙典廐稱曰朝日

將軍後鳥羽帝元曆元年正月拜征夷大將軍義仲
身伐其功以逆威加太上帝源賴朝在鎌倉聽之使
範賴義經等討之義仲敗北趨勢多中流失而外歲
三十一

百廿一 淡海律令

百廿二 冬嗣格式

淡海公不比等者藤原大臣鎌足之子母者車持國子
君之女也文武帝四年不比等奉詔撰律令律六卷
以定刑賞之法度令十一卷以述政事之令命不比
等爲人智而賢有女曰官子媛文武帝納之爲妃帝
元明卽位改元和銅拜右大臣女帝元正養老二年
重奉敕修律令各十卷以補苴先所述作之罅漏四
年八月薨齡六十二贈文散位大相國謚文忠公女

帝孝謙天平寶字四年八月勅曰故贈正一位太政
大臣不比等非唯功高於天下是復皇家之外戚爰
以先朝已極官位以報功德而准周禮猶有不足豈
有勲績蓋於宇宙朝賞未克人望宜依太公故事追
以近江國十二郡封爲淡海公

閑院左丞相冬嗣右丞相藤原麻呂之子其爲人器
度寬弘英才而有偉畧兼好學嗟我帝弘仁十有一
年奉敕撰弘仁格弘仁式二部以明法度助政事皆
行乎世亦立勸學院使藤氏年少者讀書於此院淳
和帝天長三年薨年五十二贈正一品

百廿三 王子口眼

百廿四 開耶國色

王子者陸奧守藤原倫寧女也爲攝政太政大臣兼

家公之妻生右大將道繩王子嘗有言曰人皆平生
須著眼於口也著眼於口頭當無毛頭過而好事且
益矣蓋王子者日本第一之美人亦能倭歌矣
木花開耶姬者大山祇神之女磐長姬之妹也瓊杵
尊降臨時謂大山祇神曰吾見汝之女子欲以爲妻
於是大山祇神乃使二女持百机飲食奉進時瓊杵
尊謂姊爲醜不御而罷妹有國色引而幸之云

百廿五 淳茂神妙

百廿六 義秀勇力

菅原淳茂者菅丞相之子也宇多醍醐之間舉秀才
進士及第任大學頭授文章博士八月十五夜陪亭
子院賦月影滿秋池詩曰碧浪金波三五初秋風計
會似空虛自疑荷葉凝霜早人道蘆花過雨餘岸白

還迷松上鶴潭融可筭藻中魚瑤池便是尋常號此
夜清明玉不如上皇吟誦數回曰神也妙也恨不使
先公見之先公指菅丞相也

朝夷名義秀者和田義盛之第三子也其力能扛關
順德帝建保二年二月泉小次郎親平密謀立賴家
之子千壽而亡北條之屬事發覺逮及義盛子義直
義重并姪胤長於是義盛請赦我子罪於大樹實朝
實朝許之更請胤長之罪實朝不許之請其家地許
焉已而渝約與其地於北條義時義盛恨望之遂叛
義盛孫朝盛仕實朝爲近臣甚寵遇以故憂祖父之
異心以爲父生之君養之隨君則失孝隨父則失忠
進退惟谷遂自圓顛而去義盛追而及之以之而歸

矣五月二日義盛以其屬襲實朝之館亦攻義時之
居義時闔門拒之義秀時三十八歲勇力無雙即手
批其門破之入其庭中希能當其鋒者遂焚其館北
條泰時等拒之義秀戰不利率其殘卒赴房州云歷
對州行高麗國云

百廿七 賀安天文

百廿八 吳漢機織

賀茂氏者其先孝靈帝第三子稚彥命以功封備之
中州其後胤下道真備元正帝時齡弱冠餘而從遣
唐使縣守入中華經史日者陰陽諸藝術悉傳而歸
于本朝逮孝謙帝賜姓於賀茂進授右丞相光仁帝
寶龜三年年八十二而薨七世後曰保憲能通天文
曆數奉敕造曆圓融帝時歷陰陽博士次任陰陽頭

自此世世相繼以其業爲家安倍晴明就保憲學天
文極其底蘊故以曆術傳其子光榮且天文道授其
門人晴明於是乎兩道相分矣安倍氏左大臣倉橋
麻呂之遠孫安大史晴明受賀茂保憲之術凡日月
星辰雲色風氣悉無不達若有天變災異則以密封
書奏之晴明當一條花山時任天文博士子孫累世
掌天文術晴明父曰益材爲大膳大夫

應神帝二十年九月倭漢直祖阿知使主其子都加
使主並率黨類十七縣而來歸焉三十二年二月戊
午朔遣阿知使主都加使主於吳令求縫工女阿知
使主等欲達于吳不知道路乞知道者於高麗高麗
王乃副久禮波久禮志二人爲導者由是得通吳吳

王於是與王女兄媛弟媛具織穴織四婦女一云吳織者吳國之織工也姓吳氏以其巧織縑帛名之曰吳織也又漢直阿知使主所率衆民織綾因賜姓阿耶也蓋漢字亦讀曰阿耶

百廿九 季仲黑帥

百卅 公房白相

季仲者藤清慎公實賴之來孫特進經季之子也拜中納言堀河帝康和四年六月任太宰帥赴于紫陽面深黑故時人呼之曰黑帥長治二年十一月移常州爵累大柱國

藤公房恒德公爲光五葉之胤也父經任大納言公房嘗爲右京大夫補參議自以壯而頭髮皆如雪世人稱之曰白髮宰相

百卅一 玉田隱墓

百卅二 土師主葬

允恭天皇五年秋七月朔地震先是命葛城襲津彥之孫玉田宿禰主瑞齒別天皇反正之殯當地震之夕遣尾張連吾襲察殯宮之消息時諸人悉聚無闕唯玉田宿禰無之也吾襲奏言殯宮大夫玉田宿禰非殯所則亦遣吾襲於葛城令視玉田宿禰是日玉田方集男女而酒宴焉吾襲舉狀具告玉田玉田畏有事以馬一匹授吾襲爲禮幣乃密遮吾襲而殺于道路因逃隱武內宿禰之墓域天皇聞之喚玉田玉田疑之甲服襖中而參赴甲端自衣中出之天皇分明欲知其狀乃令小墾田采女賜酒于玉田宿禰采女分明瞻衣中有鏡而具奏于天皇天皇設兵將殺

王田乃密逃出而匿家天皇更發卒圍王田家而捕之乃誅

垂仁天皇三十二年秋七月朔皇后日葉酢媛薨臨葬天皇詔群臣曰從死之道前知不可今此行之葬奈之何於是野見宿禰進曰夫君王陵墓埋立生人是不良也豈得傳後葉乎願今議便事而奏之乃喚出雲國之士師部壹伯人自領土部等取埴以造作人馬及種種物形獻于天皇曰自今以後以此土物更易生人樹於陵墓為後葉之法則天皇大喜詔野見宿禰曰汝之便議寔洽朕心其土物始立于日葉酢媛之墓仍号土物謂埴輪亦各立物也仍下令曰自今以後陵墓必樹是土物無傷人焉天皇厚賞野

見宿禰之功亦賜鍛地即任土部職因改本姓謂土師臣是土部連等主天皇喪葬之緣也

百卅三 貞時巡行

百卅四 為基雄壯

平貞時者時宗子時賴孫也追祖父時賴先蹤潛出巡見諸州體察民風時久我內府某背上皇獻旨削官籍悉沒收采地擯黜城南村埜結茅纔容身貞時適經其屋怪之抵門訪其誰家主人又何姓氏家人出答之僞叙其所以踴證貞時聞之曰主人罪責甚輕盍赴鎌倉告之府君遂達獻聞以免其罪乎家人曰主人常謂臣而舉君之非者非吾志矣貞時女感拭涕去其後歸相陽審達此事於上皇上皇有慙色遂咸還賜於久我家之舊地也

長崎爲基者父曰思元其志氣雄壯自帥師欲討禦
新田氏於是新田衆軍圍繞於長崎之兵士其命殆
危長崎父子相偕迫之攻擊及七八度新田之圍爲
長崎見突不能敢當而新田士卒罷戰退去暫休疲
馬息勞卒焉新田氏亦聚兵來攻時父思元亦出欲
接之爲基踟躕佇立遙見父之所軍而灑涕不能進
思元視之揚聲大呼曰汝何慕我之如此也汝不可
悲與我死別我縱死而汝獨可生乎汝縱不然而我
豈可生乎縱使汝與我再遇豈能得久乎今日我命
已窮必可戰死也爲基聞之拭淚更入敵軍與衆又
大戰遂走敵軍單騎而脫身不知其所終矣

百卅五 義村爭先

百卅六 基久恨上

建曆三年和田左衛門尉義盛挾逆謀與其子新左
衛門尉常盛朝夷名三郎義秀四郎義直義重等連
結族黨忽襲將軍之營事起倉卒營中騷動時波多
野中務丞忠綱出而拒戰身先士卒奮擊破之三浦
平六左衛門尉義村亦率所部馳來援之乃激勵衆
士皆爭奮復討之旣而義盛戰歿朝夷名義秀新左
衛門常盛等敗北而逃走是日微忠綱等則府營不
守也將軍實朝召軍士於柳營中問功之高卑波多
埜忠綱進曰戰場之中先鋒陷陣者獨在於我而義
村伐功貪賞自以爲先鋒也何僞之甚相摸守義特
密招忠綱於別所謂之曰米町之軍足下雖有功而
政所之後實義村之力也然則柳營無他宇內無爲

者豈非由義村之忠勲乎足下欲與之爭功而難矣
乎唯爲足下慮之不如莫自伐功而相競焉如此而
待賞不亦可乎忠綱不悅曰夫士之赴戰莫不以先
鋒效績悉爲其心我承繼家業以武事爲其職而今
携弓把矢履危向敵數四于茲安得不自以爲功乎
且之賞捨萬世之名吾則不爲於是實朝引兩
人於殿前捲簾親問以試真偽兩士各爭未決故召
戰士山城判官金子某問之金子言曰著赤皮鎧而
乘葦毛馬之士爲之先登矣此馬義時嘗所賜也遂
知忠綱爲其先登也
基久者賀茂縣主世司鴨之神廟職者也基久有二
女子妖姿媚態艷麗綽約絕代之國色也年甫十六

紅牕之下吟咏絲竹靡不學焉世人覩其貌容聞其
志情者皆莫不動心惱神後宇多帝之皇子尊治號
帥官一見之甚注意繾綣之情不能自禁遣媒氏蜜
通書以喻其情女子亦心憐之而恐其聲之泄于外
不能許諾焉後伏見帝之皇子暈仁亦覩其姿色不
覺自失慕戀之心終無以自遣乃遣媒妁述其款曲
濡筆副以一首倭歌先是尊治已詠倭歌聊寓情懷
以贈焉至是女子並採二王之歌呻吟未決尊治皇
子之媒氏獨笑而歸報之以使婢僕迓之皇子大喜
命臣僕以牛車迎之及夜闌車輿婢僕羅列門外相
俟女子之出久矣婢僕之輩入門使促之女子遂出
將乘其輿時家父基久自外來視之驚曰今夕適何

處阿誰招汝邪母荅曰帥宮遣人召之故應其命也
父大怒禁止之曰舉世咸謂量仁皇子應爲儲君也
若事此君爲之妃嬪則我齡雖旣老而猶如老樹之
再得春節而發英華今適帥宮假使女子得其顧盼
異日於我何幸之有母不欲違夫之意出謂其來迎
者曰只今女子俄有恙發臥而在牀不得以應命後
日有瘥則急可令適之於是來迎婢僕還車空反皇
子不知其詐以爲實疾而屢令候焉父母遂令女子
趣量仁皇子尊治皇子聞此嚙忿抱憤甚故速尊治
皇子臨極使基久俊替其職而與之貞久是故基久
以解其神職感時世之屢移識上情之無定飲恨作
倭歌一首斷髮逃世云

本朝蒙求卷之中

早稲田大学図書館

011488569351